

圖經衍義本草卷之二十三

君四

宋通直郎辯驗藥材施宗奭編集
宋太醫助教辨驗藥材評洪校正

木部中品

秦椒



秦椒味辛溫生溫熱寒有毒主風邪氣溫中除寒痺堅齒髮明目療喉痺吐逆疝瘕去老血產後餘疾腹痛出汗利五藏久服輕身好顏色耐老增年通神生太山川谷及秦嶺上或琅琊八月九月採實惡括樓防葵畏雌黃

圖經曰秦椒生太山川谷及秦嶺上或琅琊今秦鳳間及明越金商州皆有之初秋生花秋末結實九月十月採陶隱居云似椒而大色黃黑或呼大椒蘇恭云葉及莖子都似蜀椒但實細味短爾雅云檉大椒郭璞云椒叢生實大者名為檉詩唐風云椒聊且陸機疏云椒似茱萸有針刺莖葉堅而滑蜀人作茶吳人作茗皆合其葉以為香今成臯諸山謂之竹葉椒其木亦如蜀椒少毒熱不中合藥可著飲食中又用蒸雞豚最佳
藥性論云秦椒君味苦辛能治惡風遍身四肢痺痺口齒浮腫搖動主女人月閉不通治產後惡血痢多年痢主生髮療腹中冷痛
陶隱居云今從西來形似椒而大色黃黑味亦頗有椒氣或呼為大椒又云即今膠樹而膠子是猪椒恐誤膠此
孟詵云秦椒溫感癩長毛去血若齒痛醋煎含之又損瘡中風者以麩作餅乾灰中



燒之使熱斷使口開封其瘡上冷即易之又法去閉口黃水洗麩拌黃作粥空腹吞之以飯壓之重者再服
傷寒類要治膏癰其人飲少小便多方秦椒一分出汗瓜蒂二分末水服方寸七日三服
續千金方治蟲入耳椒末一錢醋半盞浸良久少少灌耳蟲自耳出
衍義曰秦椒此秦地所出者故言秦椒大率椒株皆用似秦椒但葉差大椒粒亦大而紋低不若蜀椒皺紋高為異也然秦地亦有蜀種椒如此區別
山茶更



山茱萸 味酸平微温無毒主心下邪氣寒熱
温中逐寒濕厚去三蟲腸胃風邪寒熱痲瘋
頭風風氣去來鼻塞目黃耳龍面炮温中下
氣出汗強陰益精安五藏通九竅止小便利
久服輕身明目強力長年一名蜀葵一名雞
足一名魁實生漢中山谷及琅琊宛句東海
承縣九月十月採實陰乾葉實為之使惡枯
梗防風防已

圖經曰山茱萸生漢中山谷及琅琊宛句
東海承縣今海州亦有之木高丈餘葉似
榆花白子初熟未乾赤色似胡蘘子有核
亦可散既乾皮其薄九月十月採實陰乾
吳普云一名鼠矢葉如梅有刺毛二月花
如杏四月實如酸棗赤五月採實似此小
異也
陶隱居云出近道諸山中大树子初熟未
乾赤色亦可散既乾皮甚薄當以合核為

用爾

禹錫等按藥性論云山茱萸使味鹹辛大
熱治腦骨痛止月水不定補腎氣與陽堅
長陰益添精髓耳鳴除面上瘡主能發
汗止老人尿不節

日華子云暖腰膝助水臟除一切風逐一
切氣破癥結治酒難

雷公云凡使勿用雀兒蘇真似山茱萸只
是核八稜不入藥用使山茱萸須去肉核
每修事去核子一片取肉皮用只秤成四
兩已來緩火熬之方用能壯元氣秘精核
能滑精

衍義曰山茱萸與茱萸甚不相類山茱萸
色紅大如枸杞子吳茱萸如川椒初結子
時其大小亦不過椒色正青得名則 治
療又不同未審當日何緣如此命名然山
茱萸能養腎藏無一不宜經與注所說備
矣

紫葳



紫葳 味酸微寒無毒主婦人產乳餘疾崩
中癥瘕血閉寒熱羸瘦養胎莖葉味苦無毒
主痿歷益氣一名陵茗一名菱華一名凌霄
花生西海川谷及山陽

圖經曰紫葳凌霄花也生西海川谷及山
陽今處處皆有多生山中人家園圃亦或
種時初作藤蔓生依木歲久延引至巖
而有花其花黃亦夏中乃盛陶隱居云詩
有葳之華郭云陵霄又蘇恭引爾雅釋草
云茗郭云又名陵霄按今爾雅注茗一名
陵時本草云而無陵霄之說豈古今所傳
書有異同邪又據陸機及孔穎達疏義亦
云茗一名陵時陵時乃是鼠尾草之別名
郭又謂茗為陵時本草云紫葳無陵時之
名而鼠尾草有之乃知陶蘇所引是以陵
時作陵霄耳又陵霄非草類益可明其誤

吳令醫家多採其花乾之入婦人血崩風毒藥又治少女血熱風毒四肢皮膚生癩疹并行經脈方陵膏花不以多少擣羅為散每服二錢溫酒調下食前服甚效藥性論云紫葳臣一名女葳其葳鹹味甘

主熱風風癩大小便不利腸中結實止產後奔血不定淋瀝安胎

日華子云根治熱風身痒遊風風疹治疥血帶下花葉功用同

斗門方治暴耳龍鬚膏葉爛杆自然汁灌耳內痊

衍義曰紫葳今蔓延而且謂之為草又有本身謂之為木又須物而上然幹不逐冬斃亦得木之多也故分入木部為至當唐白樂天詩有木名凌霄擢秀非孤標由是益知非草也本經又云莖葉味苦是與瞿麥別一種甚明唐本注云且紫葳瞿麥皆本經所載若用瞿麥根為紫葳何得復用莖葉此說盡矣然其花赭黃色本條雖不言其花又却言莖葉味苦則紫葳為花故

可知矣

胡桐淚



胡桐 味鹹苦大寒無毒主大毒熱心腹煩滿水和服之取吐又主牛馬急黃黑汗水研三二兩灌之立瘥又為金銀鐸藥出肅州以西平澤及山谷中形似黃蘗而堅實有文爛木者云是胡桐樹滋淪入土石鹹鹵地作之其樹高大皮葉似白楊青桐桑葦故名胡桐木堪器用又名胡桐律律淚聲訛也西域傳云胡桐似桑而曲


圖經曰胡桐淚出肅州以西平澤及山谷中今西蕃亦有商人貨之者相傳其木甚高大皮似白楊青桐葦其葉初生似柳漸大則似桑桐輩其津液淪入地中與大石相著冬月採得之狀如黃蘗薑石味極鹹

若得水便消如消石也古方稀用令治口齒家為最要之物一名胡桐律淚聲訛也然有一種木律極相類不堪用也

日華子云治風腫牙齒痛有二般木律不中入藥用石律形如小石子黃土色者

為上即中入齒藥用兼殺火毒并麩毒海藥云謹按嶺表記云主風疔齧齒牙疼痛骨槽風勞能軟一切物多服令人吐作律字非

猪苓



猪苓 味甘苦平無毒主痰喘解毒蠱疰不祥利水道久服輕身耐老一名猥猪屎生衡山山谷及濟陰宛句二月八月採陰乾圖經云猪苓生衡山山谷及濟陰宛句今蜀州眉州亦有之舊說是楓木苓今則不

1. 580 711011

必楓根下乃有生土底皮黑作塊似猪糞故以名之又名地烏桃二月八月採陰乾削去皮肉白而實者佳莊子謂之豕彘司馬彪注云一名荈根似猪矢治渴

藥性論云猪苓臣微熱解傷寒溫疫大熱發汗主腫脹滿腹急痛


陶隱居云舊云是楓樹荈其皮至黑作塊似猪屎故以名之肉白而實者佳削去黑皮用

禹錫云按吳氏云猪苓神農甘雷公苦無毒甘

雷公云凡採得用銅刀削去麤皮一重薄切下東流水浸一夜至明漉出細切以升麻葉對蒸一日出去升麻葉令淨曬乾用外臺秘要治妊娠患子淋猪苓五兩一味末以白湯三合服方寸七漸至二七日三夜二
子母秘錄治妊娠從脚上至腹腫小便不利微渴猪苓五兩末以熱水服方寸七日三服

楊氏產乳療通體遍身腫小便不利猪苓五兩搗篩煎水三合調服方寸七加至二七
衍義曰猪苓行水之功多久服必損腎氣昏人目果欲久服者更宜詳審

烏藥



味辛溫無毒主中惡心腹痛蠱毒疰忤鬼氣宿食不消天行疫癘膀胱腎間冷氣攻衝背脊婦人血氣小兒腹中諸蠱其葉及根嫩時採作茶片炙碾煎服能補中益氣偏止

小便清數生嶺南邕容州及江南樹生似茶高丈餘一葉三極葉青陰白根色黑褐作車轂形狀似山芍藥根又似烏樟根自餘直根者不堪一名旁其八月採根

圖經曰烏藥生嶺南邕容州及江南今台州雷州衡州亦有之以天台者為勝味似茶檳高五七尺葉微圓而尖作三極面青背白五月開細花黃白色六月結實如山芍藥而有極羸大者又似釣樟根然根有二種嶺南者黑褐色而堅硬天台者白而虛軟至八月採根以作車轂形如連珠狀者佳或云天台出者香白可愛而不及海南者力大

禹錫云按日華子云治一切氣除一切冷霍亂及反胃吐食瀉痢癰癤疥癩并解冷熱其功不可悉載猫犬百病並可磨服
牛門方陰毒傷寒烏藥子一合炒令黑煙起投水中煎三五沸服一大盞候汗出回陽立可
衍義曰烏藥和來氣少走泄多但不甚鋼

猛與沉香同磨作湯熱治胃腹冷氣甚定

沒藥



味苦平無毒主破血止痛療金瘡杖瘡諸惡瘡痔漏卒下血目中昏暈痛膚赤生波

斯國似安息香其塊大小不定黑色

圖經曰沒藥生波斯國今海嶺諸國及廣州或有之木之根株皆如橄欖葉青而密歲久者則有膏液流淌在地下凝結成塊或大或小亦類安息香採無時

用治婦人內傷痛楚又治血暈及臍腹痛刺者沒藥一物研細溫酒調一錢便止

○又治歷癰諸風骨節疼痛晝夜不可忍者沒藥半兩研虎腦骨三兩塗酥炙黃色先搗羅為散與沒藥同研令細溫酒調二

錢日三服大佳

馬錫云按藥性論云沒藥單用亦得味苦辛能主打搥損心腹血瘀傷折踈跌筋骨癢痛金刃所損痛不可忍皆以酒投飲之良

日華子云破癥結宿血消腫毒

海藥云謹按徐表南州記生波斯國是彼處松脂也狀如神香赤黑色味苦辛溫無毒主折傷馬陸推陳置新能生好血凡服皆須研爛以熱酒調服

衍義曰沒藥大槩通滯血打撲損疼痛皆以酒化服血滯則氣壅瘀氣壅瘀則經絡滿急經絡滿急故痛且腫凡打撲着肌肉須腫脹者經絡傷氣血不行壅瘀故如是龍眼



味甘平無毒主五藏邪氣安志厭食除蟲去毒久服強魂聰明輕身不老通神明一名益智其大者似檳榔生南海山谷陶隱居云廣州別有龍眼似荔枝而小非益智恐彼人別名今者為益智爾食之並

利人

唐本註云益智似連翹子頭未開者味甘辛殊不似檳榔其苗葉花根與豆蔻無別惟子小爾龍眼一名益智而益智非龍眼也其龍眼樹似荔枝葉若林檎花白子如檳榔有鱗甲味甘酸

衍義曰龍眼經曰一名益智今專為果未見入藥補注不言神農本草編入木部中品果部中復不曾收入今除為果之外別無龍眼若謂為益智子則專調諸氣今為果者復不能也矧自有益智條遠不相當故知木部龍眼即便是今為果者按今注云味甘歸脾而能益智此說其當

菴摩勒



菴摩勒 味甘寒無毒主風虛熱氣一名餘

甘生嶺南交廣愛等州

圖經曰菴摩勒餘甘子也生嶺南交廣愛等州今二廣諸郡及西川蠻界山谷中皆有之

衍義曰菴摩勒餘甘子也解金石毒為末作湯點服佛經中謂菴摩勒者是此蓋西度有之

衛牙



衛牙 味苦寒無毒主女子崩中下血腹滿汗出除邪殺鬼毒惡瘧中惡腹痛去白蟲消皮

膚風毒腫今陰中解一名鬼箭生霍山谷八月採陰乾

圖經曰衛牙鬼箭也出霍山谷今江淮州郡或有之三月以後生莖苗長四五尺許其餘有一羽狀如箭翎葉亦似山茶青色八月十一月十二月採條莖陰乾其木

亦名狗骨○崔氏方療惡瘧在心痛不可忍有鬼箭羽湯集驗方療卒暴心痛或中惡氣毒痛大黃湯亦用鬼箭皆大方也禹錫云按藥性論云鬼箭使一名衛牙有

小毒能破陳血能落胎主中惡腰腹痛百邪鬼魅

日華子云鬼箭羽味甘澁通月經破癥結止血崩帶下殺腹藏蟲及產後血咬肚痛雷公云凡使勿用石茆根頭真似鬼箭只

是上葉不同味各別採得後只使箭頭用拭上赤毛用酥緩炒過用之每修事一兩用酥一分炒酥盡為度

外臺秘要治乳無汁鬼箭五兩水六升煎取四升一服八合日三服大效

衍義曰衛牙所在山谷皆有之然未嘗於平陸地見也葉絕少其莖黃褐色若藥皮三面如鋒刃人家多播之遺崇方家用之亦少

海桐皮



海桐皮 味苦平無毒主霍亂中惡赤白久痢除甘厲疥癬牙齒蟲痛並煮服及含之水浸洗目除膚赤堪作繩索入水不爛出南海以南山谷似梓一作桐白皮

圖經曰海桐皮出南海以南山谷今雷州及近海州郡亦有之葉如手大一作大作三花尖皮若桐白皮而堅韌可作繩入水不爛不拘時月採之古方多用浸酒治風癢

禹錫云按日華子云溫治血脈麻痺疼痛及目赤煎洗

傳信方南唐揚州刺史王紹穎撰續傳信方著其法云頃年予在姑熟之日得腰膝痛不可忍醫以腎藏風毒攻刺諸藥莫療因覽傳信方備有此驗立修製一劑便減五分步履便輕故錄之耳海桐皮二兩牛

膝芎藭羌活地骨皮五加皮各一兩甘草半兩薏苡人一兩生地黃十兩八物淨洗焙乾細剉生地黃以蘆刀子切用綿一兩都包裹入無灰酒二斗浸冬二七日夏一七日候熟空心食後日午晚卧時一盃長令醱釀合時不用添減禁毒食

虎杖



根微温主通利月水破留血癥結藥性論云虎杖使一名大蟲杖也味甘平無毒主治大熱煩躁止渴利小便壓一切熱毒暑月和甘草煎色如琥珀可愛堪看嘗之甘美

陶隱居云田野甚多此狀如大馬蒙莖斑而葉圓及主暴癥酒漬根服之也禹錫云按蜀本圖經云生下濕地作樹高丈餘其莖赤根黃二月八月採根日乾所在有之

爾雅云蔞虎杖注云似紅草而麤大有小刺可以染赤日華子云治產後惡血不下心腹脹滿排膿去瘡癰癰毒女人血運撲損瘀血破風毒結氣又名酸杖一名斑杖

雷公云凡使勿用天藍併斑猶根其二味根形味相以用之有誤採得後細剉却用上虎杖露泡一夜後曬乾用外臺秘要治卒暴癥腹中有物硬如石痛刺晝夜若不治之百日內死取虎杖根勿

今影臨水上得石餘許洗乾搗作末稔米五升炊飯內攪之好酒五斗漬封候藥消飯浮可飲一升半勿食鮭魚鹽癥瘕出亦可但取其一斗乾搗酒漬飲之從少起日三亦佳此治癥乃勝諸大藥

肘後方治時疫傷寒毒攻手足腫疼痛欲斷方用虎杖根剉水煮適寒溫以漬手足令踝上有水尺許止之傷寒類要同集驗方治五淋虎杖不計多少為末每服二錢用飯飲下不拘時候

衍義曰虎杖根微苦經不言味此草藥也蜀本圖經言作木高丈餘此全非虎杖大率皆似寒菊然花葉莖葉差大為異仍莖葉有淡黑斑自六月七月旋旋開花至九月中方已花片四出其色如桃花差大外微深陝西山麓水次甚多今天下暑月多煎根汁為飲不得甘草則不堪飲藥性論云和甘草煎嘗之甘美其味甘即是甘草之味非虎杖也論其攻治則甚當矣

五倍子

11017 A 13 25 7



五倍子 味苦酸平無毒療瘡疔腫肺癰風毒流溢皮膚作風濕癬癩瘡瘰癧水疔疔下血不止小兒面鼻疔瘡一名文蛤在處有其子色青大者如拳內多蟲一名百蟲倉

○ 圖經曰五倍子舊不著所出州土云在處有之今以蜀中者為勝生膚木葉上七月結實無花其木青黃色其實青至熟而黃大者如拳內多蟲九月採子暴乾生津液最佳
陳藏器序云五倍子治腸虛泄痢熱湯服博濟方治風毒上攻眼腫痒澁痛不可忍者或上下臉皆赤爛浮翳肉侵睛神效驅風散五倍子一兩蔓荆子一兩半同杵末每服二錢水二盞銅石器內煎及一盞澄滓熱淋洗留滓二服又依前煎淋洗大

能明眼目去澁痒

經驗後方治小兒吐不定五倍子二箇一生一熟甘草一握用濕紙裹炮過同搗末每服米泔調下半錢七瘥

行義曰五倍子今漆家亦用口瘡瘡以末搽之便可飲食

蜜蒙花



蜜蒙花 味甘平微寒無毒主青盲翳赤目多眵淚消目中赤脉小兒痘豆及疔氣攻眼生益州川谷樹高丈餘葉似冬青葉而厚背色白有細毛二月三月採花

○ 圖經曰蜜蒙花生益州川谷今一中州郡皆有之木高丈餘葉似冬青葉而厚背白色有細毛二橘葉花微紫色二月三月採花暴乾用此木類而在草部不知何至於

此

雷公云凡使先揀令淨用酒浸一宿漉出候乾却拌蜜令潤蒸從卯至酉出日乾如此拌蒸三度又却日乾用每修事 兩用酒八兩浸待色變用蜜半兩蒸為度此元

名小錦花

行義曰蜜蒙花利州路甚多葉冬亦不凋然不似冬青蓋柔而不光潔而不深綠花細碎數十房成一朵冬生春開此木也今居草部恐未盡

○ 味辛無毒止血生肌膚合金瘡主產後血運崩中卒下血醋摩服之亦主眯目物芒入目摩點腫子止又止血痢及小兒客忤擣篩和水溫服之好墨入藥羸者不堪

行義曰墨松之煙也世有以粟草灰為為者不可用須松煙墨方可入藥然惟遠煙為佳今高麗國每貢墨於中國不知用何物合和不可入藥此墨未達不敢嘗之義又治大吐血好墨細末二錢以白湯化阿膠清調稀稠得所頓服熱多者尤相宜又

卿廷界內有石油燃之煙甚濃其煤可為墨黑光如漆松煙不及其識又曰廷川石液者是不可入藥當附于此

棘刺 味苦平無毒主金瘡內漏冬至後百二十日採之實主明目心腹疼痛除熱利小便生道傍四月採一名新蕈一名馬駒一名刺原又有棗針瘰癧痛喉痺不通

陶隱居云此條又相逢越恐李言多是然復道其花一名新蕈此恐別是一物不關棗針也今俗人皆用天門冬苗吾亦不許門冬苗乃是好作飲益人正自不可當

棘刺爾 禹錫云按蜀本注云棘有赤白二種切韻曰棘小棗也田野間多有之最高三二尺花葉莖實俱似棗也

聖惠方治小兒一切疳疔刺針瓜蒂等分末吹入鼻中日二

臭 味辛苦平無毒主心腹惡氣鬼疰出西戎似松脂黃黑色為塊新者亦柔韌

禹錫云按蕭炳云燒之去鬼來神段成式

百陽雜俎云安息香樹出波斯國波斯呼為辟邪樹長三丈皮色黃黑葉有四角經寒不凋二月開花黃色花心微碧不結實刻其樹皮其膠如鉛名安息香六七月堅凝乃取之燒之通神辟眾惡

海藥謹按廣州記云生南海波斯國樹中脂也狀若桃膠以秋月採之又方云婦人夜夢鬼交以臭黃合為丸燒薰丹穴永斷又主男子遺精暖腎辟惡氣

松 味苦甘平無毒主瞑怒邪氣止虛汗頭風女子陰寒腫痛瘰癧熱濕瘡可為吐瀉利水道一名女羅生熊耳山川谷松樹上五月採陰乾

陶隱居云東山甚多生雜樹上而以松上者為真毛詩云葛與女蘿施于松上葛是寄生以桑上者為真不用松上者此互有異同爾

禹錫云按藥性論云松蘿使味苦辛微熱治寒熱能吐胃中客熱痰涎去頭瘡主項

上癆瘰 日華子云令人得眠

微温 無毒主冷熱氣攻心腹大腸壅毒痰膈醋心並以薑鹽同煎入疎氣藥良所出與檳榔相似莖葉根幹小異生南海諸國

圖經曰文具檳榔條下

禹錫云按日華子云下一切氣止霍亂通大小腸建脾胃調中

孫真人云檳榔皮鴉鳥夕栖此樹上宜先酒洗仍以大豆汁洗方可用

天竹 味甘平無毒主小兒驚風天吊鎮心明目去諸風熱療金瘡止血滋養五藏一名竹膏人多燒諸骨及葛粉等雜之按臨海誌云生天竺國今諸竹內往往得之

禹錫云按日華子云平治中風痰壅卒失音不語小兒客忤及癩痰此是南海邊竹內塵沙結成者

衍義曰天竹黃自是竹內所生如黃土者竹皮也涼心經去風熱作小兒藥尤宜和緩故也

禹錫云按藥性論云松蘿使味苦辛微熱治寒熱能吐胃中客熱痰涎去頭瘡主項

一七一五八四

白棘 味辛寒無毒主心腹痛癰腫潰膿止痛
決刺結瘰丈夫虛損陰痿精自出補腎氣益
精髓一名棘鍼一名棘刺生雍州川谷

圖經曰白棘棘鍼也生雍州棘刺花生道
傍今近京皆有之棘小棗也叢高三四尺

花葉莖實都似棗而有赤白二種蘇恭云
白棘莖白如粉子葉與赤棘同赤棘中時

復有之亦為難得耳然有鈎直二種直者
宜入補藥鈎者入癰腫藥鍼採無時花冬

至後百二十日採實四月採
衍義曰白棘一名棘鍼一名棘刺按經如

此甚明諸家之意強生疑惑今略不取求
其經而可矣其白棘乃取其肥盛紫色枝

上有嫩薄白膜先剝起者故曰白棘取白
之意不過如此其棘刺花乃是棘上所開

花也餘無他義今人燒枝取油塗髮使
垢解

仙人 味鹹平無毒主歲氣嘔逆辟疔
小兒吐乳大人吐食並水煮服小兒驚癇及
夜啼安身伴睡良又主痔病燒為末服方寸

七此是笋欲成竹時立死者色黑如漆五六
月收之苦筍竹多生此又別一種仙人林味
生堅筋骨今人不老作茹食之去疾除風
冷生動南平澤菜似苦苣菜生新補見陳藏

白棘 味苦寒無毒功用與蒼摩勒同出西
域及嶺南交愛等州戎人謂之三果

唐本註云樹似胡桃子形亦似胡桃核似
訶梨勒而圓短無稜用亦同法唐本先附

日華子云下氣止瀉痢
鴉鵲 味苦溫無毒主蠱野諸毒心氣鬼症

鴉鵲等美陳氏云其香十二葉為百草之英
按魏略云生大秦國二月三月有花狀如紅

藍四月五月採花即香也附
禹錫云按陳藏器云鬱金香平入諸香藥

用之說文此香芳草也十二葉為貫採以
煮之用為皂為百草之英合而釀酒以降

神也以此言之則草也不當附于木部

白棘 味甘微溫有小毒作煎如糖水良花
按碎拭酒醋白腐壞子作角其中人熬令香
著酒中令不敗酒敗者用之亦正四月生紫

花可愛人亦種之江東呼為拉豆藤皮著樹
從心重重有皮附
陳藏器云主水瘡病京都人亦種之以飾

庭也
白棘 味甘平無毒主安五藏利心志令人歡

樂無憂久服輕身明目得所欲生益州山谷
圖經曰合歡夜合也生益州山谷今近京

雍洛間皆有之人家多植於庭除間木似
梧桐枝甚柔弱葉似皂莢槐等極細而又

窠互相交結每一風來輒似相解了不相
牽綴其葉至暮而合故一名合昏五月花

發紅白色瓣上若絨茸然至秋而實作莢
子極薄細採皮及葉用不拘時月

衍義曰合歡花其色如今之藤堂綠上半
白下半肉紅散垂如絲為花之異其綠葉

至夜則合又謂之夜合花陳藏器曰華子
皆曰皮殺蟲又曰續筋骨經中不言

白棘 味甘平無毒療久風濕痺四肢拘
攣骨節疼痛作湯主風眩頭痛玉痔下血一
名隔虎刺花花黃色生蜀地所在皆有三月

採於牛壯生蜀地... 先藥亦有刺花... 似杏花而小... 似黃葉而不一

天桂 味辛溫無毒主腹內諸冷血氣脹功

用似桂皮薄不過烈生西胡國附今

海藥按廣州記云生南海山谷補暖腰脚

破產後惡血治血痢腸風功力與桂心同

方醫家少用

折傷木 味甘鹹平無毒主傷折筋骨疼痛散

血補血產後血悶止痛酒水煮濃汁飲之生

實州山谷

唐本註云藤生統木一葉似蘭草葉而光

厚八月九月採莖日乾唐本先附

桑花 暖無毒建脾瀉腸止鼻洪吐血腸風崩

中帶下此不是桑椹花即是桑樹上白癬如

地錢花椹又主盜汗書云止鹹

聖惠方治膀胱虛熱下砂石澀痛刊水道

燒灰研食前溫酒調下一錢匕

櫻木 味苦平無毒破產後血衰服之葉搗碎

封蛇咬亦洗瘡癬樹如石榴葉細高丈餘四

月開花白如雪生江東林篔簹間

倒掛藤 味苦無毒主一切老血及產後諸疾

結痛血上欲死黃汁服生深山如懸鉤有逆

刺倒掛於樹葉夫而長也

破木砧 一名百味無毒主人病後食勞復取

發當時來參病人行止脚下土如錢許男病

左女病右和砧上垢及鼠頭一枚無即以鼠

屎三七煮服之神效又卒心腹痛取砧上垢

著人鞋履底悉穿又棚几上屑燒傳吻上瘻

瘡

圖經衍義本草卷之二十三

圖經衍義本草卷之二十四 君五

宋通直郎辨驗藥材寇宗奭編集

宋太醫助教辨驗藥材許洪校正

木部下品

巴豆



巴豆 味辛溫生溫熱寒有毒主傷寒溫瘧寒

熱破癥瘕結聚堅積留飲痰癖大腹水脹蕩

滌五藏六腑開通閉塞利水殺道去惡肉除

鬼毒蠱毒邪物殺蟲魚療女子月閉爛胎金

瘡膿血不利丈夫陰殺斑貓毒可煉餌之益

血脈今人色好變化與鬼神通一名巴椒生

巴郡川谷八月採陰乾用之去皮先花為

之使惡蕘草畏大黃黃連藜蘆

圖經曰巴豆出巴郡川谷今嘉眉戎州皆

有之木高一二丈葉如櫻桃而厚大初生